



AB 1187

Broj: 06-11-3977/22-2 Lot 3  
Ilidža, 15.07.2022.godine

Na osnovu člana 70.Zakona o javnim nabavkama Bosne i Hercegovine i člana 32. stav (4) Zakona o javnim nabavkama ( «Službeni glasnik BiH» broj 39/14) te preporuke Komisije za javne nabavke, donosi se

## ODLUKA O IZBORU PONUĐAČA ZA JAVNU NABAVKU BROJ 90/22-Lot 3

### I

Dodjeljuje se Okvirni sporazum za **JN 90/22 Usluge revizije projektno tehničke dokumentacije za potrebe Općine Ilidža; Lot 3 Usluge revizije projekata iz oblasti visokogradnje**, sljedećim ponuđačima:

1. Institut za građevinarstvo „IG“ doo, Kralja Petra I Karađorđevića 92-98 Banja Luka,
2. SMAJIĆ INŽENJERING doo, Zaima Imamaovića bb, Goražde

### II

Ponuđači iz tačke I ove Odluke, obavezni su u roku od 5 dana od dana prijema ove odluke ugovornom organu dostaviti uvjerenja iz člana 45. stav (2) tačka a), b) c), i d), Zakona o Javnim nabavkama Bosne i Hercegovine i dokumente (original ili ovjerena kopija) iz tačke 10.3.1 pod a) i b) tenderske dokumentacije.

### III

Po pravosnažnosti ove odluke, ugovorni organ će pozvati izabrane ponuđače radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji.

### **Obrazloženje**

Na osnovu odluke o pokretanju postupka broj 06-11-3977/22-1 i obavještenja o nabavci broj 888-1-2-188-3-129/22, objavljeno dana 24.06.2022.godine, pokrenut je otvoreni postupak nabavke za **JN 90/22 Usluge revizije projektno tehničke dokumentacije za potrebe Općine Ilidža; Lot 3 Usluge revizije projekata iz oblasti visokogradnje**. U tenderskoj dokumentaciji je predviđeno da će se za izabranim ponuđačima zaključiti okvirni sporazum iz člana član 32. stav (5) alineja b) Zakona o javnim nabavkama.

Ponude su blagovremeno dostavili Institut za građevinarstvo IG doo, Institut za zaštitu, ekologiju o obrazovanje doo Tuzla i SMAJIĆ INŽENJERING doo.

Ponuda ponuđača Institut za zaštitu, ekologiju o obrazovanje doo Tuzla, Bosne Srebrene 127, Tuzla se odbacuje jer ponuđač nije ispunio uslov iz tačke 10.4.

Naime, kao uslov po pitanju tehničke i profesionalne sposobnosti za Lot 2 traženo je uspješno iskustvo u realizaciji do 5 ugovora u protekle tri godine čiji je karakter i kompleksnost isti ili sličan onima koji se odnose na predmet javne nabavke, a čija je vrijednost minimalno 5.000,00 KM bez PDV-a. Imenovan ponuđač je dostavio spisak na kojem se nalazi samo jedan realizovani ugovor i to u iznosu od 4.800,00 KM bez PDV-a kao i potvrdu druge ugovorne strane koja je potvrdila uspješnu realizaciju tog ugovora u navedenom iznosu. Obzirom da ponuđač nije ispunio traženi uslov njegova ponuda je ocijenjena kao neprihvatljiva.



Ostala dva ponuđača ispunila su uslove iz tenderske dokumentacije odnosno dostavili su tražene dokaze. Obzirom da se radi o ponovljenom postupku javne nabavke (predhodni postupak je poništen zbog nedovoljnog broja primljenih ponuda) te da se Okvirni sporazum iz tog razloga može zaključiti i sa dva ponuđača, Komisija za javne nabavke je predložila Općinskom načelniku donošenje odluke o dodjeli okvirnog sporazuma za **Lot 3 Usluge revizije projekata iz oblasti visokogradnje**, ponuđačima navedenim u dispozitivu ove odluke.

Na osnovu navedenog odlučeno je kao u dispozitivu.

## POUKA O PRAVNOM LIJEKU

Protiv ove Odluke ponuđači imaju pravo da izjave žalbu u roku od deset dana od dana prijema odluke. Žalba se ulaže ugovornom organu u pisanoj formi direktno, ili preporučenom poštanskom pošiljkom. Žalba se podnosi u tri primjeraka.



## DOSTAVLJENO:

1. Ponuđačima
2. Služba za finansije
3. Stručna služba-Kabinet Općinskog načelnika
4. Služba za razvoj, komunalne poslove i puteve
5. Služba za zajedničke poslove (za objavu na WEB)
6. a/a